

# Sakspapir

Saksbehandlar	Arkiv	ArkivsakID
Bente Bing Kleiva	FA - C50	15/2324

Saksnr	Utvalg	Type	Dato
40/2015	Utval for levekår	PS	08.09.2015
17/2015	Ungdomsrådet	PS	26.11.2015

## Framtidig bruk av Holsnøy Meieri

### Saksopplysningar:

#### Bakgrunn

Holsnøy Meieri er eit viktig minne om Frekhaug si nære fortid og bør takast vare på som eit kulturbrygg i kommunen. Det finnест pr i dag ikkje organisasjonsnøytrale kulturarenaer i kommunen og med sterkt tilflytting til Frekhaug-området er det viktig å etablere møteplassar for ulike aldersgrupper i sentrale strok.

Holsnøy Meieri stod ferdig i 1953, som eit moderne og effektivt fellesmeieri for søre Holsnøy med kort sjøveg til Bergen. Det blei og bygd to stemmer som gav tilgang på kaldt vatn for å halde mjølka kald. Rett sør for hovudbygningen står meierskehuset, og anlegget står fram som det store framsteget det ein gong var.

Seinare har anlegget husa butikk, ungdomsklubb og verkstad, men framleis står det sterkt i eit kulturhistorisk landskapsbilde langs Havnevegen – Frekhaug kai med tilhøyrande miljø – ungdomsskulen – Nordgardsløa – Havnevegen 49 – Sjursehuset.

Drifta av ungdomsklubben i Meieriet blei avvikla i 2008. Klubben si verksemd skulle flyttast til Meland Aktiv, noko som etter kvart viste seg ikkje var mogeleg å få til. Meland har sidan vore utan kommunal ungdomsklubb.

#### Vurdering

Det er i dag ein tilnærma regulær scene i kommunen, på Nordhordland Folkehøgskule. Elles er det fleire lokale som blir brukt til kulturarrangement, som til dømes Nordgardsløa, Meland bibliotek, Galleri Rustica og Sjøslaget. Kommunen har i dag få høve til å vere ein pådrivar for eit godt kultur- og samfunnsliv sidan vi ikkje har ein stad til å drive kulturverksemd som òg kan vere ein møteplass for, av og med innbyggjarane. Utan ein slik stad er òg høva til å få in ekstern finansiering svært avgrensa. Avvikling av kulturarrangement inneber uforholdsmessig store utgifter til leige av scene, lyd og lys i tillegg til at det tek opp mykje tid og personalressursar. Dette gjer at kommunen sjeldan har høve til å avvikle arrangement, heller ikkje for unge. Desse ressursane går med til arrangementsmessige detaljar og ikkje til å bidra til at folk, unge som vaksne, kan skape, oppleve og vidareutvikle

kulturlivet.

Kulturlivet i Meland er godt og sterkt, men til ein viss grad lite synleg og samla. Det er eit stort behov for ein samlande møteplass for heile kommunen. Eit samfunn utan ein felles plass der folk kan møtast manglar litt av limet som held det saman.

**Ungdomsklubb.** Det er eit stort behov for ein ålmenn møteplass for dei mange unge i kommunen. Ungdomsrådet har sjølv i møte 20.1.2015 peika på at det må kome på plass eit organisasjonsnøytralt tilbod som kan verke samlande for heile ungdommen i kommunen. Ved å ha ein organisasjonsnøytral plass vil ungdom alltid «gå på Meieriet», sjølv om det skulle vere andre enn kommunen som arrangerer det aktuelle tilboden den dagen. Eit bygg med høg deltaking av ungdom vil vere eit godt kulturbygg. Dei har behov for eit kulturtildelning og ein møteplass der dei kan ha innverknad. Eit godt ope og inkluderande ålmenn kulturtildelning vil òg gjere mykje for å fange opp dei som kan vere i randsonar av uønska miljø.

Når det gjeld meieriet som bygg er det viktig å bevare dette som eit tidsmerke og som ein del av identitetsbygginga for noverande og kommande generasjonar. Meieriet fortel om tida som var og er eit unikt bygg i Meland kommune.

Folkehelse – kan verke førebyggjande

Miljø – viktig å bevare som ein del av eit unikt miljø for kommunen og lokalområdet. Ved utbetring av bygningsmasse vil og miljøforureinande materiale verta fjerna.

Økonomi – ikkje vurdert i saka

### **Konklusjon**

Meland kommune treng eit kulturbygg som arena og møteplass for noverande og framtidige generasjonar. Meieriet kan vere eit viktig bidrag til dette og saka bør utgreiast vidare.

### **Framlegg til vedtak:**

Utval for levekår gjev tenesteområdet kultur oppdrag å utgreie vidare framtidig bruk av Holsnøy meieri. |

### **Utval for levekår - 40/2015**

#### **ULK - behandling:**

#### **Framlegg til vedtak i møtet:**

Utval for levekår gjev tenesteområdet kultur oppdrag å utgreie vidare kostnader med å ta vare på Holsnøy meieriet med tanke på bruk av huset til ulike kulturføremål.

Framlegget vart samrøystes vedteke.

**ULK - vedtak:**

Utval for levekår gjev tenesteområdet kultur oppdrag å utgreie vidare kostnader med å ta vare på Holsnøy meieri med tanke på bruk av huset til ulike kulturføremål.

**Ungdomsrådet - 17/2015****UR - behandling:**

Ungdomsrådet var på synfaring i gamle Holsnøy Meieri. Det vart lagt fram tilleggsframlegg i møtet frå leiar.

- Ungdomsrådet ser på meieriet som ei investering for framtida og ønskjer å bruke bygget til ungdomsklubb. Kommunen er i stor vekst, òg med tilstrømming av flyktingar, og ungdom treng ein møteplass for å betre sosialisering, skape eit miljø, integrere og inkludere. Rådet ser mye potensiale og ønskjer å vere del av ein eventuell prosess vidare.

Forslaget fekk **9 stemmer for** og **0 stemmer mot** og **vart godkjent.**

**UR - vedtak:**

«Ungdomsrådet ser på meieriet som ei investering for framtida og ønskjer å bruke bygget til ungdomsklubb. Kommunen er i stor veks, òg med tilstrømming av flyktingar, og ungdom treng ein møteplass for å betre sosialisering, skapet eit miljø, integrere og inkludere. Rådet ser mye potensiale og ønskjer å vere del av ein eventuell prosess vidare.»